



IN  
ERVDITISSIMOS  
SACRORUM BIBLIORUM  
POLYGLOTTORUM  
COMPILATORES:

Poema.

**E**sto; res angusta domi virtutibus obset;  
Sed facile emergit, quæ veneranda, cohors:  
Usque extrema novum scabies hoc occupet ævum;  
Ferreæ at hæc ætas aurea prela dedit:  
Sit turbata suis erroribus Insula; purâ  
Interea sacri fontis abundat aqua:  
Vilescat, merito sibi spreta, Britannia; nullam  
Spreta, tamen, famam non superare potest:  
Nempe, quod externus nullus Rex præstitit, illud  
Anglus, privatus, pauper, egenus agit!  
Ergo, pace tuâ, versu quos dicere non est,  
Sunt numeri, Lector, delitiæque meæ:  
Hispidâ succinctorum fecerunt nomina metrum,  
Et, tu quæ credas barbara, docta sonant:  
Vos humilis celebrem Thorndick, Fearn, Rieves, Baker, VVal-  
Selden, Smith, Vicars, Graves, Fuller, Usser, Whillock,  
Stern, Drak, Stokes, Pocock, Sanderson, Shelden, & Ham-  
Eternus, Vestra nomine, clausus ero!  
Complutensia sunt bona, et Hispanica præfuit,  
His meliora potens biblia Gallus habet:  
Quæ tria, sint vestris collata, volumina fient  
Chartis, & foliis mox leviora suis:  
Scilicet, hæc istis præcellunt biblia, penè  
Humanis quanto Biblia sacra libris.  
Horum, seu, methodum, linguamve, typumve requiram,  
Horum me methodus, lingua, typusque juvant:  
Quot partes numerem, numerem miracula, cunctis  
Miraculisque venus, nescio qualis, inest!  
Unum, & idem folium diversa, eademque reponit,  
Unum, & idem folium fit numerare labor!  
Quæque suam & retinet sortitam Versio classem,  
Et (quid non potuit lucidus ordo?) decet!  
Singula dicta, sibi variè repetita, recurrunt,  
Singula sed variè, sic repetita, placent!  
Non, nisi septuplici lingua, vox ulla refertur,  
Nec, nisi sit decies lecta, legenda semel!  
Talem quis, demum, leget hanc? nemo, (autumo) nemo,  
Vix tu, (quod credam) candide, Lector eris:  
Digna quidem lectu, sed conspicienda, revolves,  
Te Spectatorem postulat hicce liber!  
Linguas, qui potis est, legat has; sin perlegat unquam,  
Iudice me, ritu Clericus ille legit:  
Has tamen ille leget, lectas intelliget ille,  
Vestris qui monitis erudiendus erit:  
Fœdera sacra (Patres in publica commoda nati!)  
Et datis, & capere hæc fœdera posse datis;  
Testamenta Dei, Vobis Scriptoribus, extant;  
Extant antiquis, jam, renovata modis!

Ambo nil mutata, ambo mutata videntur;  
Prodit utrumque Vetus, prodit utrumque Novum!  
Retro sese gestit utrumque; retroque reflectens  
Primævâ gaudet simplicitate frui!  
En, sacra semper erat toto pretiosior auro  
Pagina; bis tanti, Vestra operâ, illa valet!  
Eximias aded secum fert undique limas  
Linea quæque suas, litera quæque suas!  
Nec miror; Vestros, nam, castigatus adungues,  
Omne suum punctum Textus ubique tulit!  
Hinc, vos præclaros tantum non Pagina sacra  
(Sit licet à vobis ipsa colenda!) colit!  
Vos, in Scripturis, (liceat modo dicere) fama  
Magdalenæ instar, non peritura manet:  
Laudem, in Evangelijs, confert Ecclesia; laudem,  
Hei mihi, quod meritam reddere nulla queat:  
Quisquis retribuet tanto quæ Codice digna,  
Hæc majora nequit ferre, minoræ neget:  
Salva tamen res est: hic enim completitur in se  
Hunc sancti inspiciam, Christi sunt omnia plena:  
Messiam narrant singula, juncta probant!  
Atque Domini, hic, passim montes supereminet omnes,  
Gentium ubique patent Canaan, atque Sion!  
Hymnos enumerant Musæ, cantantque Sibyllæ,  
Et liceat sacro, nunc, Helicone frui!  
In sanctam linguam transiit lingua profana,  
Nec purum labium solus Hebræus amat!  
Credita Judæis referunt mysteria Gentes,  
Fallere quas Eber, si velit ipse, nequit:  
Mentiri ignorant tot lingue: accepimus illas  
Quæ nil, si cupiant dissimulare, sciunt:  
Divinum quoties concinnant undique Verbum,  
Huic, cui non credunt, credere posse docent!  
Eja, agitate, Patres: juvet hæc encomia vobis  
(Atque refellente hæc nemine!) danda fore;  
Gentiles calami minimè nos credere posse,  
Nos Vestri calami credere posse docent!  
Antiquas linguis alias bis addite; famam,  
Par est, ut Vestram plurima lingua canat:  
Omen inest; nec vana loquor; nec sit leve, summa  
Quod, quæ profertis, Biblia pondus habent:  
Quid quod hoc Augustum, totos monumenta per orbes  
Vobis, post cineres, conciliabit opus?  
Imò, quale Deum deceat, prægrande volumen  
Vivis exhibuit, non monumenta, Deum!  
Sanctus (si qua fides) haud nunc, velut antè, bilinguis  
Spiritus existit, sed Polyglottus adest!  
Docta viris doctis quæ Biblia vertis honori,  
Sint (Polyglotte) Tui gloria, Nostra salus!

ÆGIDIUS OLDISWORTH,  
Anglus, A.M. Burtonii super  
Montem Rector.

